

XEEV WISCONSIN TXOJ PHIAJ XWM HAIS TXOG LUB ZOG HLUAV TAWS XOB HUV XYOO 2022



Tau npaj los ntawm Xeev Wisconsin Lub Chaw Lis Hauj Lwm txog Kev Ruaj Khov thiab Lub Zog Hluav Taws Xob Huv uas muaj kev pab los ntawm Slipstream, Inc., thiab Lub Tsev Hauj Lwm Great Plains

Lub Plaub Hlis Ntuj 2022 Daim 1.0 - Sau Sau Ua Ke





Tus Thawj Hau Tswj Kav Xeev Tony Evers

Lus Taw Qhia

Teeb meem huab cua tsim muaj kev cuam tshuam rau kev noj qab haus huv, kev nyab xeeb, thiab kev khwv nyiaj txiag lag luam tau zoo ntawm cov pej xeeb thooob plaws peb lub xeev. Cov huab cua uas tsis zoo heev thiab tsis tuaj yeem kwv yees tau, tau tsim muaj kev cuam tshuam rau cov tswv liaj tswv teb hauv Xeev Wisconsin lub neej khwv ua qoob loo thiab cov khoom liaj teb, peb lub xeev cov kev lag luam ncig teb chaws thiab kev khwv noj khwv haus lag luam vam khom rau peb cov peev txheej hav zoov hav tsuag uas loj dav thiab muaj nqis no, thiab raws li

cov kws kho mob tau hais tias, kev noj qab haus huv ntawm peb cov neeg vam khom rau kev noj qab nyob zoo ntawm ib puag ncig uas lawv nyob rau ntawd. Txhua Tus Pej Xeeb Hauv Wisconsin—txawm tias lawv nyob rau hauv Driftless, Central Sands, the Northwoods, los sis nyob hauv nruab nrab ntawm peb thaj tsam hauv nroog los xij—puav leej tau ntsib kev cuam tshuam ntawm huab cua hloov pauv, tsis yog ib txoj hau kev los yeej yog ib txoj, thiab txo kev tso cov pa carbon muaj kuab lom mus rau saum ntuj kom tsawg thiab yuav txhawb nqa cov hwv tsam rau lub zog hluav taws xob huv yog lub hom phiaj tseem ceeb ua ntej tshaj plaws rau kuv thaum kuv tseem yog tus tswv xeev no. Peb tsis tas yuav xaiv ntawm kev txo cov pa phem muaj kuab, huab cua hloov thiab kev pov thaiv peb li ib puag ncig thiab cov hauj lwm uas muaj kev them nyiaj zoo thiab cov hluav taws xob uas tsis kim. Xeev Wisconsin twb npaj txhij rau cov kev daws teeb meem uas muaj peev xwm thiab yuav saib xyuas cov hom phiaj no tam li yog qhov xwm txheej tshwj xeeb—peb tuaj yeem ua tau thiab yuav ua tag nrho ob qho tib si. Ua ke, peb tuaj yeem ua tau raws li peb kev cog lus yuav cia peb cov me nyuam muaj lub neej uas zoo dua qub thiab lub ntiaj teb uas zoo dua lub uas peb tau txais los ntawm kev tsim ua lub xeev uas muaj kev ruaj khov thiab kev khwv noj khwv haus lag luam rau lub neej yav pem suab.

HAIS TXOG KEV HLOOV PAUV NTAWM HUAB CUA DHAU NTAWM KEV HLOOV MUS RAU LUB ZOG HLUAV TAWS XOB HUV

Xeev Wisconsin Txoj Phiaj Xwm Hais Txog Lub Zog Hluav Taws Xob Huv (CEP) tau txais kev koom tes los ntawm Xeev Wisconsin Lub Chaw Lis Hauj Lwm txog Kev Ruaj Khov thiab Lub Zog Hluav Taws Xob Huv (OSCE) raws li tau txais kev taw qhia los ntawm Tus Thawj Tswj Xeev Tony Evers dhau ntawm Tsab Lus Txib Kev Tuav Tswj #38. Lub hom phiaj ntawm lub CEP yog los mus teev txog cov qauv ntaus tswv yim uas hais daws txog kev hloov pauv huab cua ncaj qha, sib koom kev ncaj ncees fab ib puag ncig, thiab ua kom ntseeg tau tias muaj kev nce qib kom sai mus rau kev khwv noj khwv haus uas siv lub zog hluav taws xob hu uas muaj zog. Hauv kev txhim kho qhov CEP, qhov OSCE tau teev txog qhov txheej txheem dav duav thooob plaws los sau cov kev tawm suab ntawm Cov Pej Xeev Hauv Xeev Wisconsin thiab ua kom ntseeg tau tias txoj phiaj xwm no qhia txog cov kev muaj nqis ntawm peb lub xeev. Nws taug soj ntsuam cov qauv ntaus tswv yim hauv tus cwj pwm uas yuav muab txiaj ntsig rau cov pej xeev hauv Xeev Wisconsin txhua tus. Zoo li lwm lub xeev, Xeev Wisconsin lees paub txog kev maj ceev txog kev hais daws kev hloov pauv ntawm huab cua thiab cov kev cuam tshuam tsis zoo uas cuam tshuam txog cov kev ua neej, ib puag ncig hav zoov hav tsuag, thiab kev noj qab nyob zoo ntawm tag nrho cov neeg hauv Xeev Wisconsin tam sim no thiab lub neej yav pem suab. Txawm tias nws yog kev tas sim neej txoj sia thaum muaj qhov xwm txheem huab cua tsis zoo, kev mob nkeeg rau lub sij hawm ntev vim rau qhov muaj cov pa cua tsis zoo, los sis kev hloov pauv ntawm huab cua cuam tshuam rau kev khwv noj khwv haus ua rau muaj tus nqi siab rau cov neeg ua liaj ua teb thiab cov zej zog nyob deb nroog, cov huab cua uas tab tom hloov pauv tab tom cuam tshuam rau txhua leej. Nyob hauv peb txoj kev uas tso tawm cov pa phem muaj kuab tam sim no yim yuav ua rau cov kev cuam tshuam txog kev hloov pauv ntawm huab cua heev tuaj xwb thiab cov neeg nyob hauv Xeev Wisconsin yuav tsis tas hais txog cov kev cuam tshuam uas muaj kev phom sij ntawm qhov kub sov heev tuaj, kev noo, thiab ntuj los nag.

Thaum xav txog cov qauv ntaus tswv yim los hloov mus rau kev khwv noj khwv haus uas siv lub zog hluav taws xob huv, OSCE yeej los xav txog qhov xwm txheem ntawm Xeev Wisconsin tej kev tsim lub zog hluav taws xob thiab siv, cov kev tso pa muaj kuab lom mus rau saum ntuj, tus nqi pheej yig them taus, thiab zej tsoom tej yam ntxwv uas yuav hloov tau cov hauv kev. Lub xeev li kev vam khom rau cov roj av kom ua tau raws li nws cov kev xav tau hauv kev siv lub zog ua rau muaj feem xyuam hauv cov kev tso pa muaj kuab lom mus rau saum ntuj ntawm cov pa ntawm lub tsev greenhouse rau cheeb tsam, hauv teb chaws, thiab thooob ntiaj teb. Kev tsis ua dab tsis hauv Xeev Wisconsin kiag

li yuav muaj cov nqi loj heev rau peb cov zej zog—tshwj xeeb mas yog cov zej zog neeg txom nyem nyob thiab cov zej zog uas cov neeg txawv tawv ntau haiv nyob uas ntsib cov kev cuam tshuam uas sib txawv ntawm kev hloov pauv ntawm huab cua, peb cov kev lag luam ntawm kev ua liaj ua teb, hauv paus ntawm txoj kev txhim kho thoob plaws lub xeev, thiab peb li kev khwv noj khwv haus lag luam. Wisconsin qhov CEP teev tseg nua kev ua hauj lwm kom ntseeg tau tias Xeev Wisconsin cov chaw lag luam, cov zej zog, thiab cov pej xeeb nyob hauv qhov chaw zoo los sib koom hauv txoj hauj lwm ntawm txoj phiaj xwm no.

Wisconsin qhov CEP yog ib qho ntawm ntau cov kauj ruam tseem ceeb mus rau kev ua kom tau raws li lub xeev cov hom phiaj kev siv lub zog hluav taws xob uas tsis muaj pa carbon thiab cov hom phiaj ntawm huab cua thaum uas tseem nyob rau hauv peb qhov peev nyiaj saib xyuas cov pa carbon, Xeev Wisconsin kev tso cai tso tawm cov pa carbon tag nrho los tiv thaiv cov kev kub txias thoob plaws ntiaj teb kom tsis txhob nce ntxiv lawm. Cov kev txo kev tso pa kuab lom kom qis ua tus qauv uas cuam tshuam nrog cov qauv tswv yim muaj nyob hauv qhov CEP muab ib txoj phiaj xwm ua hauj lwm uas yuav ua kom tiav Xeev Wisconsin lub hom phiaj ntawm kev ua kom tiav feem ua hauj lwm saib xyuas lub zog hluav taws xob uas muaj cov pa carbon zoo thiab txo qis nua kev siv lwm cov kev tso cov pa kuab lom uas ntsig txog lub zog hluav taws xob. Nyob hauv daim duab hauv qab no, kev tso cov pa kuab lom hauv qab txoj kab xim xiav suav muaj cov kev tso cov pa kuab lom tshaj ntawm kev saib xyuas ntawm CEP raws li tau qhia meej haiv Tsab Lus Txib Kev Tuav Tswj #38. Kuj suav muaj cov kev tso pa kuab lom uas cuam tshuam nrog kev siv lub zog hluav taws xob uas muaj cov kev cov nyom nyuaj fab thev niv thiab kev nqis tes ua tseem ceeb (xws li, kev siv hluav taws xob txog kev taug kev saum huab cua thiab qee cov txheej txheem kev ua hauj lwm hauv chaw lag luam, thiab kev hloov pauv tus cwj pwm). Qhov no yog Txoj Phiaj Xwm Hais Txog Lub Zog Hluav Taws Xob Huv, uas sib txawv rau Txoj Phiaj Xwm Kev Nqis Tes Ua Txog Huab Cua, hauv qhov ntawd nws tsis suav muaj cov qauv tswv yim rau kev txo qis cov kev tso pa muaj kuab lom mus rau saum ntuj ntawm lub tsev greenhouse uas tsis cuam tshuam nrog lub zog hluav taws xob, kev khaws ceev cia cov pa lom carbon, thiab kev hloov pauv kom siv tau. Tus Thawj Tuav Tswj Xeev Evers tau sib tham nrog Cov Neeg Ua Hauj Lwm txog Kev Hloov Pauv Ntawm Huab Cua thiab tau cog lus rau kev nqis tes ua cov kev pom zoo hauv lawv Daim Ntawv Tshaj Tawm Kawg Nkaus, uas dav dua cov uas suav muaj nyob hauv Txoj Phiaj Xwm Hais Txog Lub Zog Hluav Taws Xob Huv.



Muab xav txog tus nqi ntawm kev tsis nqis tes ua dab tsi kiag li, qhov CEP tau txais kev tsim los kom nkag siab tau zoo tsis tas li ntawd tseem hloov pauv tau yooj yim thiab hloov siv tau raws li kev hloov pauv fab thev naus laus zis, khw, thiab kev coj cwj pwm. Cov qauv tswv yim tau muaj nyob hauv qhov CEP tim thawj ntu ntawm yam uas yog daim ntawv muaj sia thiab muab nws coj mus rau qhov kev coj ua qhov txheej txheem rau kev npaj phiaj xwm thiab kev nqis tes ua rau fab lub zog hluav taws xob huv kom muaj vaj huam sib luag, suav tag nrho, thiab muaj kev cuam tshuam. Cov hom phiaj tag nrho ntawm qhov CEP suav muaj:

- Muab Xeev Wisconsin tso rau hauv txoj kev mus rau kev siv hluav taws xob tag nrho hauv lub xeev kom tsis muaj pa carbon ntawm 100 feem pua rau lub xyoo 2050,
- Ua kom ntseeg tau tias Lub Xeev Wisconsin tab tom ua kom tau raws li cov hom phiaj kev txo cov pa carbon qis ntawm xyoo 2015 Kev Sib Pom Zoo Hauv Paris,
- Txo cov kev cuam tshuam uas tsis tsim nyog ntawm kev tsim lub zog thiab siv rau hauv cov zej zog uas cov neeg txom nyem nyob thiab cov zej zog uas muaj ntau haiv neeg nyob kom qis,
- Ntxiv kev tsim, thiab cov hwv tsam uas muaj vaj huam sib luag rau, cov hauj lwm txog lub zog hluav taws xob huv, kev txhim kho rau fab kev lag luam thiab kev txhawb rau kev lag luam, thiab kev tuav tseg ntawm cov nyiaj nqis peev rau lub zog hauv xeev Wisconsin,
- Tsim kev ntseeg siab tau thiab kev them taus tus nqi ntawm lub hauv npaus saib xyuas lub zog,
- Txhim kho cov neeg ua hauj lwm saib xyuas lub zog hluav taws xob huv kom zoo tuaj dhau ntawm kev cob qhia thiab kev kawm, thaum uas rov cob qhia cov neeg ua hauj lwm tshiab uas tau txais kev cuam tshuam los ntawm kev hloov pauv los ntawm kev siv roj av mus rau cov hauv npaus lub zog hluav taws xob huv, thiab
- Pov thaiv kev noj qab haus huv ntawm tib neeg, tsiaj txhu thiab xyooob ntoo ntawm cheeb tsam ib puag ncig raws kev txo cov pa kuab lom kom qis.

Xeev Wisconsin Nqe Lus Uas Muaj Txiaj Ntsig Zoo Txog Kev Hloov Pauv Mus Rau Lub Zog Hluav Taws Xob Huv

Thaum uas Xeev Wisconsin nrhiav hloov pauv mus rau lub zog uas huv, saib zoo li peb yuav lees txais thiab txhawb nqa lwm tus kom lees txais peb cov hauv paus kev xav tseem ceeb no: kev ncaj ncees, kev muaj vaj huam sib luag, thiab kev nqis tes ua txhua yam ua ke. Cov hauv paus kev xav tseem ceeb no yuav tsis yog ua kom paub tseeb tias cov zej zog uas twb tau txais kev cuam tshuam ntau tshaj plaws los ntawm kev hloov pauv ntawm huab cua tau txais txiaj ntsig los ntawm qhov kev hloov pauv no nkaus xwb tab sis kuj tseem ua kom tag nrho Wisconsin cov zej zog tau txais txiaj ntsig ib yam nkaus. Xeev Wisconsin yuav yog lub xeev uas muaj zog dua qub thiab muaj kev vam meej dua qub tuaj thaum tag nrho cov zej zog muaj kev caum cuag tau rau lub hwm tsam ntawm ib cheeb tsam ib puag ncig thiab kev khwv noj khwv haus uas huv si. Tsis tas li ntawd, kev nqis tes ua ntawm txoj hauj lwm uas tau teev cia hauv Lub Xeev Wisconsin Txoj Phiaj Xwm Hais Txog Lub Zog Hluav Taws Xob Huv xav kom muaj kev nqis tes ua txhua yam ua ke. Tsoom fww, kev lag luam, feem ua hauj lwm ntiag tug, koom haum uas tsis vam nyiaj tshaj thawj thiab lwm cov lab npauv loj tag nrho muaj lub luag hauj lwm rau kev ua txoj hauj lwm no.

Kev vam khom rau cov roj av los ntev lawm, cov kev txiav txim siab txog txoj cai kev saib xyuas cheeb tsam ib puag ncig uas tsis zoo, thiab cov kev tsis muaj kev ncaj ncees dav thooob plaws hauv yav dhau los tau tsim muaj kev cuam tshuam tsis zoo rau ntau lub zej zog hauv lub xeev. Peb yuav tsum saib kev hloov cov xwm txheej fab cheeb tsam ib puag ncig, kev noj qab haus huv, thiab kev khwv noj khwv haus yog qhov tseem ceeb tshaj plaws rau cov zej zog uas tau txais kev cuam tshuam tsis xwm yeem los ntawm kev hloov ntawm huab cua. Kev hloov mus rau kev siv lub zog hluav taws xob huv tau muab lub hwm tsam zoo no rau xeev Wisconsin. Kev hloov pauv mus rau lub zog hluav taws xob huv yam muaj kev ncaj ncees thiab muaj vaj huam sib luag tuaj yeem txo tau lub luag hauj lwm fab dag zog uas feem ntau tshwm sim rau cov tsev neeg uas muaj nyiaj khwv tau los tsawg thiab txo tau cov kev nyuaj fab nyiaj txiag rau cov neeg uas twb tab tom ntsib kev nyuaj los ua kom tau raws li qhov kev xav tau.

Los pab ua kom ntseeg tau tias qhov kev hloov pauv no muaj kev ncaj ncees thiab muaj vaj huam sib luag, cov tib neeg uas twb tau txais kev cuam tshuam ntau tshaj plaws los ntawm cov pa qias thiab kev hloov pauv ntawm huab cua yuav tsum muaj feem xyuam nyob rau hauv qhov txheej txheem kev txiav txim siab, thiab qhov txheej txheem no yuav tsum suav muaj cov kev tawm suab ntau yam vim tias nws cuam tshuam nrog haiv neeg thiab hom haiv neeg tsawg, poj niam-txiv neej, xwm txhem kev khwv noj khwv haus hauv zej tsoom, thiab chaw nyob teb chaws. Kev muaj feem xyuam thiab kev cuam tshuam nrog kev ua tus neeg sawv cev rau ntau haiv neeg, sib faib lub zog thiab cov peev txheej, kev txhim kho thiab kev siv txoj cai uas ncaj nruab nrab, thiab saib cov neeg muaj nqis dua nyiaj tshaj thawj yuav pab ua kom lub xeev ntseeg tau tias muaj kev nkag cuag tau rau cov txiaj ntsig ntawm kev hloov pauv lub zog hluav taws xob huv no tau yam sib npaug zog. Qhov no suav nrog kev muab txoj hauv kev suav tag nrho sawv daws los muab cov thev naus laus zis thiab cov kev pab cuam fab lub zog hluav taws xob huv uas muaj ntau yam tshaj plaws suav nrog kev siv lub zog kom tau zoo tshaj, kev tsim lub zog uas tuaj yeem muab rov los siv tau dua, cov kev xaiv fab kev thauj mus los uas muaj cov pa carbon qis mus rau tsis muaj kiag li, cov hauv paus ntawm txoj kev txhim kho huv, cov kev xaiv txog zaub mov uas muaj cov pa carbon qis, thiab lwm yam.

Kev tsim txoj hauj lwm, kev txhim kho zej zos thiab kev lag luam, thiab cov peev txheej yuav tsum muab sib faib thooob plaws lub xeev thiab cov zej zog—thiab cov zej zog uas tau ntsib cov

kev cuam tshuam ntau tshaj plaws txog kev hloov pauv ntawm huab cua thiab tau ntsib cov teeb meem rau fab lab npauv kev tsav coj mus rau kev muaj txiag nplua nuj thiab lub hwv tsam kuj yuav tsum tau pom thiab hnov txog cov txiaj ntsig ntawm kev hloov pauv no. Thaum muab cov thev naus laus zis thiab kev pab cuam, peb yuav tsum ua hauj lwm kom ntseeg tau tias—kom txog rau qhov zoo tshaj plaws li ua tau—tau tsim cov hauj lwm thaum muaj qhov kev hloov pauv no tsis yog tsuas ntiav cov neeg nyob hauv Wisconsin nkaus xwb tab sis cov neeg nyob hauv cov zej zog uas lawv muab kev pab cuam ib yam nkaus thiab. Kev hloov pauv mus rau lub zog hluav taws xob huv kuj muab lub hwv tsam rau lub xeev los txo qis tau \$14 txhiab lab uas tau muab xa tawm ntawm lub xeev mus rau kev tsim cov roj av. Hloov rau qhov ntawd, peb yuav tsum muab cov nyiaj no mus nqis peev rau cov thev naus laus zis thiab cov kev pab cuam fab lub zog hluav taws xob huv ntawm no hauv xeev Wisconsin yog li ntawd lub xeev thiab cov neeg ntawm Wisconsin thiaj li tau txais txiaj ntsig rau fab kev khwv noj khwv haus. Tsis tas li ntawd, yuav tsum coj cov nyiaj uas ntau no mus rau cov zej zog uas muaj kev nqis peev tsawg tshaj plaws.

Thaum kawg no, kev hloov pauv Xeev Wisconsin mus rau kev khwv noj khwv haus uas siv lub zog hluav taws xob huv yog lub luag hauj lwm uas yuav tau sib koom ua ntawm tag nrho txhua theem ntawm tsoom fww thiab cov neeg tuav tswj, hluav taws xob, lub zog, thiab cov lag luam ub xam hab kas kev thauj mus los, feem ua hauj lwm ntiag tug, thiab cov koom haum uas tsis nce rau tsoom fww. Kev nqis tes ua sib sau ua ke thiab kev koom tes ntawm cov lab npauv no yog qhov tseem ceeb los ua kom ntseeg tau txog kev hloov pauv ntawm lub zog hluav taws xob huv uas muaj kev ncaj ncees, kev haum siab, thiab muaj qhov sib npaug zog.

Thaum uas Lub Xeev Wisconsin tau ntsuam xyuas nws txoj hauv kev mus rau lub neej yav pem suab txog kev siv lub zog hluav taws xob huv, ntseeg siab tau, thiab tsis kim heev, muaj plaub cov hau kev tseem ceeb tau tshwm sim los tsim lub zog thiab kev nqis tes ua:

- Ua kom kev hloov mus siv thev naus laus zis txog lub zog hluav taws xob huv kom sai – ntxiv cov kev xaiv fab kev pab peev nyiaj rau cov khoos kas, nqis peev rau lub hauv paus ntawm txoj kev txhim kho, cov hom phiaj ntawm kev txo cov pa kuab lom tshiab, nthuav dav lub xeev cov peev txheej lub zog rau kev tsim, lub tswv yim tshiab txog fab thev naus laus zis, kev nthuav dav kom sib npaug zos ntawm lub zog hluav taws xob huv, siv qhov txiaj ntsig los ntawm cov cai thiab cov txheej txheem pab cuam uas twb muaj lawm.
- Ntxiv kev siv lub zog kom tau zoo, siab tshaj plaws – txhawb nqa cov qauv cai thiab cov hom phiaj ntawm kev siv lub zog kom siv tau zoo los txo qis kom tau kev siv lub zog nkim, tsim cov hauj lwm, thiab txuag tau cov neeg qhua cov nyiaj txog cov nqi hluav taws xob.
- Ua kom cov tuam tsev thiab kev lag luam ub xam hab kas muaj qhov tshiab tuaj – kev saib xyuas cov zauv ntawm lub tuam tsev, txhawb nqa kev siv lub zog hluav taws xob, nthuav dav kev pab nyiaj, thiab txhawb nqa kev lag luam ub xam hab kas thiab cov lag luam hauv lawv qhov kev hloov pauv no
- Txhim kho kev thauj mus los – txhawb nqa kev hloov pauv mus rau cov tshab uas tso cov pa kuab lom qis mus rau tsis muaj kiag thiab txhawb nqa cov kev xaiv txog kev rau roj, ua ke nrog kev npaj thiab tau ntxiv cov kev xaiv los thauj cov neeg mus los.

Hauv qab no yog cov hauv kev ntxiv uas lub CEP ua kom ntseeg tau tias muaj kev hloov pauv txhua fab:

Saib txog kev muaj vaj huam sib luag rau fab kev noj qab haus huv, kev ncaj ncees txog cheeb tsam ib puag ncig, thiab kev txhim kho kev khwv noj khwv haus uas muaj kev sib npaug kom yog qhov tseem ceeb ua ntej tshaj plaws - Raws li keeb kwm, Cov Haiv Neeg Tsawg thiab cov zej zog ntawm Cov cheeb tsam zej zos Neeg Tswv Teb Tswv Chaw, Neeg Tawv Dub, Neeg Hispanic/Latino, Hmoob Asmeskas, Neeg Es Xias Asmeskas, lwm cov zej zog uas muaj ntau haiv, cov neeg uas tau los tsawg, cov neeg uas muaj kev xiam oob qhab, cov neeg nkag teb chaws, cov poj niam, cov pej xeem uas yog neeg laus, cov qub tub rog, thiab cov zej zog nyob deb nroog tsis tau txais kev tham txog hauv kev hloov pauv peb lub teb chaws lub pab npauv kev siv lub zog hluav taws xob thiab kev hloov mus rau lub zog hluav taws. Hauv kev nrhiav kev txo qis kev puas tsuaj los ntawm huab cua, cov zej zog no yuav tsum muaj feem cuam tshuam hauv kev txiaj txim siab txog cov thev naus laus zis lub zog hluav taws xob huv, cov hauj lwm, cov kev cuam tshuam fab nyiaj txiag, thiab cov kev cuam tshuam rau kev noj qab haus huv. Piv txwv li, ua kom muaj kev siv lob zog tau zoo tshaj plaws kom txo tau cov nqi kev siv lub zog hluav taws xob rau cov tib neeg, cov tsev neeg, thiab cov zej zog uas muaj cov nyiaj khwv tau los qis mus rau nruab nrab, ua kom ntseeg tau tias lawv kuj tau txais txiaj ntsig los ntawm Wisconsin qhov kev hloov pauv mus rau lub zog hluav taws xob huv no ib yam nkaus thiab. Kev siv thev naus laus zis kuj yuav tsum tsis kim heev thiab muaj rau tag nrho cov pej xeem thiab cov zej zog siv tau.

Kev txhim kho cov neeg ua hauj lwm yam sai thiab kev hloov kev ua kom haum siab - Xeev Wisconsin yuav tsum ua kom tau raws li cov neeg ua hauj lwm saib xyuas lub zog hluav taws xob huv suav tag nrho thiab sib npaug zog dhau ntawm qhov txheej txheem pab cuam rau kev txhim kho neeg ua hauj lwm saib xyuas lub zog hluav taws xob huv mus rau kev cob qhia raws txoj cai thiab npaj cov neeg ua hauj lwm rau kev hloov pauv mus rau lub zog hluav taws xob huv ntawm teb chaws thiab lub xeev. Qhov CEP no txhob txwm ua hauj lwm los muab cov hwv tsam kev ua hauj lwm txog lub zog hluav taws xob huv rau cov neeg uas tau txais kev cais tawm los ntawm kev lag luam txog lub zog li ib txwm muaj. Cov hwv tsam yuav tsum suav muaj kev cob qhia, kev cob qhia hauj lwm, thiab cov hauj lwm uas muaj kev them nqi siab rau cov neeg ua hauj lwm ntawd. Tsis tas li ntawd qhov no kuj suav nrog cov cai uas cov lag luam ntawd uas tau txais txiaj ntsig los ntawm lub xeev cov cai thiab cov kev txhawb siab rau fab lub zog hluav taws xob huv yuav tsum muaj cov neeg ua hauj lwm uas hais txog cov pej xeev ntawm tshwj xeeb tsom rau cov cheeb tsam ntawm lub xeev.

Tsis tas li ntawd, qhov CEP hais daws kev hloov uas muaj kev haum siab los ntawm kev tsim thiab siv lub zog roj av li ib txwm. Ntau lub xyoo dhau los, Cov tuam txhab hluav taws xob tau ua tus koj mus kaw cov chaw tsim thee pob zeb ib ncig ntawm lub teb chaws thiab hauv Xeev Wisconsin tau lawm vim rau qhov muaj ntau yam, suav nrog tus nqi ntawm cov roj hav zoov hav tsuag uas qis lawm, kev txo qis lawm zuj zus hauv tus nqi ntawm kev tsim lub zog uas muab rov los siv tau dua, txoj cai hais txog cheeb tsam ib puag ncig, thiab kev xav tau los ntawm cov neeg qhuav rau lub zog uas huv dua. Cov hauj lwm saib xyuas kev siv hluav taws xob uas tau txais kev yuam tawm teb chaws feem ntau yuav tau txais qee cov nqi zog uas zoo tshaj plaws, cov txiaj ntsig, thiab cov xwm txheej ntawm kev ua hauj lwm hauv lawv thaj tsam no. Kev plam cov hauj lwm no tuaj yeem ua rau muaj kev cuam tshuam tseem ceeb rau cov neeg ua hauj lwm tus kheej thiab lawv cov tsev neeg, ua ke nrog rau lawv cov zej zog. Feem ntau qhov chaw ntawm cov chaw ua hauj lwm thiab kev siv thaj av tam li yog qhov chaw tsim hluav taws xob uas siv thee pob zeb, ua rau cov chaw ua hauj lwm uas tau muab kaw lawm nyuaj yuav rov txhim kho tau.

Kev ua kom cov kev mob siab uas koj los ntawm tsoom fww tsim tau sai (Kev Ua Thawj Coj Piv Txwv) - Muab los ntawm cov kev paub dhau los, kev tshaj lij, thiab kev txawj ntse ntawm Cov Haiv Neeg, cov neeg sawv cev ntawm tsoom fww hauv cheeb tsam, thiab cov neeg ua hauj lwm hauv lub chaw hauj lwm ntawm lub xeev, cov tsoom fww tuaj yeem yog cov thawj koj hauv cov kev mob siab siv zog los txo cov pa kuab lom tawm kom qis, txuag lub zog, thiab kev hloov mus rau cov thev naus laus zis tshiab. Cov kev muab siab sib zog rau no feem ntau hais txog tias yog "Kev Ua Thawj Coj Piv Txwv," uas cov chaw hauj lwm ntawm tsoom fww tsom xam thiab hloov pauv lawv cov chaw ua hauj lwm thiab hla dhau mus rau cov kev txuag tau tus nqi yam pom tau tiag, txo qis cov kev tso cov pa ntawm lub tsev greenhouse tawm, txhim kho kev siv lub zog, tsim kev thev taus, thiab tsim tau cov khoom uas muaj kev ruaj ntseg ntau ntxiv.



Txawm tias CEP teev txog 73 qhov kev nqis tes ua kiag tam sim ntawd thiab 17 cov qauv ntaus tswv yim uas muaj kev cuam tshuam tshiab, tab sis CEP tau saib txog qhov tseem ceeb ua ntej txog rau cov qauv ntaus tswv yim hauv qab no tam li yog qhov chaw pib. Txhua qhov ntawm cov qauv ntaus tswv yim no tau muab tsim los ua kom tau txais txiaj ntsig rau fab cheeb tsam ib puag ncig thiab kev khwv noj khwv haus siab tshaj plaws rau cov nyob pem hauv ntej, kev ncaj ncees rau qhov tsis zoo, fab cheeb tsam ib puag ncig thiab cov zej zog uas muaj nyiaj khwv tau los tsawg; thiab los ua kom tsim tau txoj hauj lwm saib xyuas lub zog hluav taws xob huv siab tshaj plaws, coj mus rau kev hloov pauv kom haum siab rau cov neeg uas yuav tab tom hloov mus rau kev lag luam uas siv lub zog hluav taws xob huv ntawm Xeev Wisconsin lub neej yav pem suab:

1. [Qhib Siv Lub Khoos Kas Muab Kev Vaj Huam Sib Luag Ua Ntej](#) –qhib lb khoos kas tshiab, duav roos txhua fab, thiab thooob plaws lub xeev los muab ncuav dav tshaj plaws ntawm cov thev naus laus zis thiab cov kev pab cuam fab kev siv lub zog hluav taws xob huv rau cov tsev nyob thiab cov lag luam ntawm cov neeg uas xav tau nws tshaj plaws.
2. [Qhib ib txoj hauv kev rau fab kev tuav tswj rau kev txhim kho neeg ua hauj lwm saib xyuas lub zog hluav taws xob huv thiab siv zog yam mob siab hlo los ntiav cov neeg ua hauj lwm hauv xeev Wisconsin thiab cov lag luam](#) – ua hauj lwm nrog cov thawj coj ntawm cov tuam txhab, cov khoom siv hluav taws xob, cov koom haum neeg ua hauj lwm, cov tsev kawm ntawv qib siab fab thev niv, Lub Tsev Kawm Ntawv Txuj Siab University of Wisconsin (UW) Lub Lab Npauv, UW-Extension, thiab cov txheej txheem pab cuam txog txoj kev xyaum ua hauj lwm los tsim kom tau qhov chaw rau fab qauv ntaus tswv yim rau kev sib tham, cov txheej txheem pab cuam txog kev cob qhia, thiab qhov lav xuj kev tsav coj los ntawm cov kev xav tau ntawm cov neeg ua hauj lwm ua ntej tshaj plaws ntawm lub lag luam ub xam hab kas.
3. [Ntxiv kev nqis peev ntawm nom tswv thiab feem ua hauj lwm ntiag tug hauv kev siv lub zog hluav taws xob huv hauv xeev Wisconsin](#) - Teeb cov hom phiaj ntawm kev tsim cov pa kuab lom tshiab thiab pib npaj los pab ua kom tau raws li cov hom phiaj no. Hauv xyoo 2030, txo kom tau cov pa kuab lom carbon qhov kawg nkaus los ntawm feem hauj lwm lub zog hluav taws xob mus rau yam tsawg li ntawm 60 feem pua hauv qab cov theem hauv xyoo 2005. Hauv xyoo 2050, txo kom tau cov pa kuab lom carbon qhov kawg nkaus los ntawm feem hauj lwm lub zog hluav taws xob mus rau 100 feem pua hauv qab cov theem hauv xyoo 2005. Qhov no haum rau nrog Pab Pawg Kws Saib Xyuas Kev Pab Cuam Rau Pej Xeev ntawm Xeev Wisconsin (PSCW) qhov txheej txheem thiab cov kev txiav txim siab uas cuam tshuam rau Txoj Hauv Kev Ua Hauj Lwm mus rau Kev Tshawb Nrhiav Pa Carbon Kom Tsis Muaj Kiag thiab Kev Ntsuam Xyuas Fab Lub Zog Rau Kev Ntaus Tswv Yim thiab tshawb nrhiav kev txhim kho ntawm qhov txheej txheem ntawm Txoj Phiaj Xwm Peev Txheej Sau Los Ua Ke (IRP).
4. [Txhawb nqa cov qauv cai thiab cov hom phiaj txog kev siv lub zog kom tau zoo](#) - Txo kom tau kev siv lub zog yam qis thiab txuag kom tau cov neeg qhua cov nyiaj hauv cov nqi yuav lub zog los ntawm kev siv qhov Focus on Energy® tam li yog txheej txheem pab cuam tseem ceeb, uas xam tias yog ib qho ntawm cov txheej txheem pab cuam kev siv lub zog tau zoo rau fab kev txuag tau nyiaj zoo tshaj plaws hauv Teb Chaws Mes Kas.

5. **Cov hwv tsam uas sai ntawm cov tuam tsev thiab kev lag luam ub xam hab kas** - Hloov kho tshiab cov zauv ntawm tuam tsev thiab tsim pab pawg kws muab kev sab laj los hais daws cov teeb meem cheeb tsam ib puag ncig xws li, qhib siv kev coj los siv ntawm cov zauv kev nthuav dav thiab kev coj cov zauv uas yuav tsum muaj rau lub tsheb siv hluav taws xob thiab cov qauv cai kev npaj txhij rau kev siv daim phiaj tsim hluav taws xob los ntawm duab tshav ntuj rau kev tsim vaj tse tshiab rau kev lag luam, chaw nyob, thiab ntau hom tsev neeg. Tsim txoj phiaj xwm los siv cov kev hais daws teeb meem rau kev siv pa sov uas tsis muaj pa carbon kawg nkaus los nce siab txog kev ua pa sov thiab pa txias uas tuaj yeem coj rov los siv tau dua hauv cov feem ua hauj lwm rau fab kev lag luam thiab tuam tsev.
6. **Txhawb kev siv lub tsheb siv hluav taws xob kom sai** - Siv ua ke nrog kev txhim kho lub tsheb thiab kev npaj rau lub hauv paus ntawm txoj kev txhim kho thiab kev nqis tes ua, txhawb kev txhim kho ntawm Xeev Wisconsin lub tsheb siv hluav taws xob thiab cov chaw tsim cuab yeej rau ntawm chaw tshoj uas muaj feem cuam tshuam.
7. **Txhawb cov kev muab siab sib zog uas ua thawj coj los ntawm tsoom fww**
 - a. Ua kom ntseeg tau tias muaj kev sawv cev thiab kev sab laj tawm tswv yim los ntawm Haiv Neeg Tsawg hauv ib lub xeev twg los sis pab pawg kws saib xyuas hauv cheeb tsam los sis pawg thawj coj, thiab cov kev muab siab sib zog npaj rau kev siv lub zog mus rau ntau lub xyoo.
 - b. Tshwj tseg cov peev txheej rau kev pab fab thev niv thiab fab nyiaj txiag thiab muab kev nkag cuag tau rau qhov ntaub ntawv los txhawb nqa kev txhim kho ntawm lub zej zog CEP, cov phiaj xwm kev nqis tes ua txog huab cua, thiab kev tshwj tseg kom zoo thiab cov kev muab siab sib zog kev thev taus.
 - c. Txhawb nqa lub zog hluav taws xob huv thiab cov khoos kas kev siv lub zog kom tau zoo los ntawm kev cog lus nrog kev ua hauj lwm zoo ntawm lub chaw hauj lwm hauv lub xeev thiab lwm cov kev xaiv fab nyiaj txiag.

Xya cov qauv ntaus tswv yim no yuav yog qhov tseem ceeb rau Wisconsin kev hloov pauv mus rau lub zog hluav taws xob huv. Nyeem txuas ntxiv mus rau daim ntawv ntsiab lus suav sau txog tag nrho cov qauv ntaus tswv yim.

WISCONSIN DAIM NTAWV NTSIAB LUS SUAV SAU TXOG COV QAUV NTSUAS TSWV YIM TXOG LUB ZOG HLUAV TAWS XOB HUV

Hauv txhua cov hauv kev hauv qab no, cov qauv ntaus tswv yim tau txais kev txheeb xyuas tam li yog:

Muaj Kev Cuam Tshuam Siab, cov uas yuav tshwm sim hauv cov kev txo cov pa tsev greenhouse kom qis tau zoo tshaj plaws, yuav tau muab nqis tes ua hauv ncuu sij hawm uas ntev dua, thiab yuav tau txais kev ceeb toom qhia los ntawm cov qauv ntaus tswv yim kev nqis tes ua kiag tam sim ntawd, thiab.

Kev Nqis Tes Ua Kiag Tam Sim Ntawd, cov qauv ntaus tswv yim uas yuav tau muab sib sau ua ke mus rau hauv txoj phiaj xwm kev ua hauj lwm los pib txoj hauj lwm hauv ncuu sij hawm sai no.



TXHAWB KEV SIV LUB ZOG HLUAV TAWS XOB HUV THIAB THEV NAUS LAUS ZIS KOM SAI

Hauv Wisconsin, kev tsim hluav taws xob thiab kev suav txog lub zog uas yuav nkag los rau qhov feem uas loj tshaj plaws ntawm 32.2 feem pua ntawm cov pa tso tawm ntawm tsev greenhouse, hauv xyoo 2018. Vim li ntawd nws thiaj li yog qhov tsom rau tseem ceeb hauv feem ua hauj lwm no rau kev txhawb kom mus siv lub zog hluav taws xob huv thiab los hais daws rau cov kev cuam tshuam txog kev hloov pauv huab cua. Lub Xeev Wisconsin muaj ib lub hom phiaj txog kev siv hluav taws xob uas

tsis muaj pa carbon 100 feem pua rau lub xyoo 2050. Uas muaj kev siv hluav taws xob nce siab ntawm cov tuam tsev, kev thauj mus los, thiab kev lag luam ub xam hab kas, txo kev tso cov pa carbon kom qis ntawm feem ua hauj lwm saib xyuas lub zog hluav taws xob yuav yog qhov tseem ceeb los txhawb nqa rau kev txo qis thoob plaws cov lag luam. Kev siv lub zog hluav taws xob huv yuav tsum tau siv kev mob siab siv zog ntau fab los ntawm ntau feem sib koom tes. Wisconsin cov chaw khoom siv hluav taws xob, cov neeg tsim lub zog uas muab rov mus siv tau dua, cov tsoom fwv, thiab lwm cov neeg nqis tes ua yog qhov tseem ceeb ua ntej tshaj plaws rau qhov kev hloov pauv no.

Cov Qauv Ntaus Tswv Yim Uas Muaj Qhov Pab Tau Ntau

CEP txheeb xyuas tsib cov qauv ntaus tswv yim uas muaj qhov pab tau ntau los txhawb rau kev siv lub zog thiab thev naus laus zis huv, tsis kim heev. Qhov no cuam tshuam nrog cov kev nqis peev ntawm feem ua hauj lwm ntiag tug thiab nom tswv uas nce siab zuj zus. Tsoom fwv, kev lag luam ub xam hab kas, feem ua hauj lwm ntiag tug, koom haum uas tsis vam nyiaj tshaj thawj, thiab lwm cov lab npauv loj tag nrho muaj lub luag hauj lwm txog qhov yuav tsum saib mus rau kev txhawb kev tsim, kev coj los siv, thiab kev siv kev tsim lub zog hluav taws xob huv rau cov kev xav tau lub zog hluav taws xob.

Daim Ntawv Ntsiab Lus Suav Sau Cov Qauv Ntaus Tswv Yim Txog Kev Nqis Tes Ua Kiang Tam Sim No

CEP txheeb xyuas tau 20 cov qauv ntaus tswv yim txog kev nqis tes ua kiang tam sim ntawd los txhawb nqa kev siv lub zog thiab thev naus laus zis huv, tsis kim heev kom sai. Hauv qhov ntsiab lus suav sau, cov qauv ntaus tswv yim no txhawb nqa rau kev txhim kho thiab kev siv cov thev naus laus zis thiab cov txheej txheem pab cuam xws li kev khaws cia lub zog, kev hais daws rau kev xav tau, kev tuav cia cov pa carbon, daim phiaj tsim hluav taws xob duab tshav ntuj rau lub zej zog, thiab daim phiaj tsim hluav taws xob duab tshav ntuj rau theem kev coj los siv tau. Cov qauv ntaus tswv yim suav nrog kev tsom rau kev muaj ntau yam sib txawv, kev muaj vaj huam sib luag, thiab kev muaj feem xyuam nrog hauv kev siv cov lag luam lub zog hluav taws xob huv. Tsis tas li ntawd kuj muaj cov qauv ntaus tswv yim txhawb nqa rau cov kev xaiv pab nyiaj txiag rau lub khoos kas tswv yim tshiab suav muaj cov qauv piv txwv rau Wisconsin Lub Tuam Txhab Xim Ntsuab, kev nthuav dav Lub Zog Hluav Taws Xob Huv Uas Tau Txais Kev Ntsuam Xyuas Fab Av Vaj Tsev Lag Luam (C-PACE), kev nthuav dav ntawm kev txhawb siab los ntawm Focus on Energy®, tsim Qhov Txheej Txheem Pab Cuam Nyiaj Pab Xim Ntsuab thiab Nyiaj Qiv, thiab siv txiaj ntsig los ntawm tsoom fwv cov nyiaj pab. Qee cov qauv ntaus tswv yim tsom rau cov kev hloov kho txoj cai tswj hwm thiab txhim kho kev koom tes nrog kev siv khoom hluav taws xob thiab cov koom haum kev xa mus nyob rau theem ib cheeb tsam, thiab lwm cov uas tsom rau cov feem hauj lwm tshwj xeeb twg, xws li kev ua liaj ua teb ua qoob ua loo. Hauv tag nrho no, cov qauv ntaus tswv yim tsom rau kev txhawb nqa Wisconsin kev hloov mus rau lub zog hluav taws xob huv kom sai kom txo tau cov kev puas tsuaj rau kev khwv noj khwv haus, kev noj qab haus huv, thiab cheeb tsam ib puag ncig kom tsawg tshaj plaws, ua ke nrog kev tas lub neej txoj sia los ntawm cov kev cuam tshuam los ntawm kev hloov pauv ntawm huab cua.



TXHAWB NQA KEV SIV LUB ZOG KOM TAU ZOO

Txhawm rau kom ua tau raws li cov hom phiaj kev siv lub zog hluav taws xob huv, cov hom phiaj ntawm kev lag luam, thiab cov hom phiaj ntawm kev txo pa carbon ntawm lub xeev ua ke, Wisconsin yuav tsum tau ntiv kev siv lub zog kom tau zoo ntiv tuaj, uas yuav tsum tau muaj kev nqis peev ntiv ntau heev. Tsis yog tias muaj cov theem ntawm kev siv lub zog tau zoo, siab tuaj uas yog qhov tseem ceeb kom mus cuag tau rau cov hom phiaj no nkaus xwb, tab sis lawv kuj yog qhov tseem ceeb kom txuag tau cov nqi kom qis li yuav. Kev siv tau zoo ntawm lub zog kuj yog ib qho ntawm ob peb cov cuab yeej uas cov yim neeg twg yog tias tau txais hww tsam, tuaj yeem siv los txo tau lawv tus nqi siv dag zog thiab teeb meem kev siv dag zog tau ncaj qha li.

Cov Qauv Ntaus Tswv Yim Uas Muaj Qhov Pab Tau Ntau

CEP txheeb xyuas tau rau cov qauv ntaus tswv yim uas muaj qhov pab tau ntau los txo qis kev siv lub zog kom tau zoo. Cov qauv ntaus tswv yim yog yuav txhawb nqa rau cov qauv cai thiab cov hom phiaj ntawm kev siv lub zog kom tau zoo thiab yuav txo qis kev siv lub zog yam nkim ncaj qha thiab txuag tau cov neeg qhua cov nyiaj hauv cov nqi kev siv lub zog. Cov kev nqis peev ntawm feem ua hauj lwm ntiag tug thiab nom tswv nce siab ntau heev hauv kev siv lub zog kom tau zoo, suav nrog cov txheej txheem pab cuam zoo li Focus on Energy®, ua rau cov txheej txheem pab cuam paub txog lawv lub peev xwm thiab kev tshwm sim tag nrho hauv kev nce siab ntiv hauv kev siv tau zoo thoob plaws lub xeev.

Daim Ntawv Ntsiab Lus Suav Sau Cov Qauv Ntaus Tswv Yim Txog Kev Nqis Tes Ua Kiang Tam Sim No

CEP txheeb xyuas tau 10 cov qauv ntaus tswv yim txog kev nqis tes ua kiag tam sim ntawd kom txhawb kev siv lub zog tau zoo tshaj plaws. Cov qauv ntaus tswv yim no suav nrog kev txhawb nqa rau cov txheej txheem pab cuam uas twb muaj nyob lawm. Muaj kev tsom rau hauv kev nthuav dav nce siab thiab kev siv txiaj ntsig los ntawm cov txheej txheem pab cuam uas twb muaj nyob lawm, xws li Focus on Energy®, Weatherization, Txheej Txheem Muab Kev Pab Cuam Txog Kev Pab Lub Zog Rau Cov Cua Kub Uas Muaj Nyiaj Tau Los Tsawg, thiab lwm cov, ua ke nrog kev tswj xyuas kev ruaj ntseg kev txhawb nqa ntawm tsoom fwv cov nyiaj. CEP txheeb xyuas tau cov qauv ntaus tswv yim kev siv lub zog tau zoo rau kev ua liaj ua teb ua qoob ua loo thiab cov tsev kawm ntawv. Cov qauv ntaus tswv yim kuj txhawb nqa cov kev xav fab nyiaj txiag uas muaj tswv yim zoo thiab cov cai kev siv lub zog tau zoo ntiv rau cov neeg qhua uas khwv tau nyiaj tsawg.



COV TUAM TSEV THIAB KEV LAG LUAM UB XAM HAB KAS TSHIAB

Cov pa kuab lom ncaj qha los ntawm cov tuam tsev chaw nyob thiab kev lag luam muab suav ua li ntawm 16.8 feem pua ntawm cov pa kuab lom hauv Xeev Wisconsin. Cov pa kuab lom ncaj qha hauv feem ua hauj lwm no feem ntau yog tshwm sim los ntawm kev siv cua sov thiab cua txias, kev rhaub dej kub, cov khoom siv hluav taws xob, taws teeb, thiab lwm cov kev siv. Cov kev tso pa muaj kuab lom mus rau saum ntuj ncaj qha no sib txawv los ntawm cov kev tso pa muaj kuab lom mus rau saum ntuj uas cuam tshuam nrog kev tsim hluav taws xob uas yuav tsum tau siv hluav taws xob los qhib lub tuam tsev. Cov tuam tsev yog feem ua hauj lwm uas tso cov pa phem tawm mus rau saum ntuj loj tshaj plaws thib plaub hauv Xeev Wisconsin tom qab kev tsim hluav taws xob, kev thauj mus los, thiab kev ua liaj ua teb ua qoob ua loo.

Raws li Teb Chaws Mes Kas Kev Tuav Tswj Ntaub Ntawv Txog Lub Zog (EIA), hauv xyoo 2019, Wisconsin feem hauj lwm kev lag luam ub xam hab kas, suav nrog kev ua liaj ua teb ua qoob ua loo thiab lub chaw tsim khoom uas muaj kev siv lub zog ntau ntawm kev tsim khoom noj thiab khoom haus, muab suav ua qhov ntau tshaj plaws li ntawm 32 feem pua ntawm lub xeev kev siv lub zog kawg nkaus. Xeev Wisconsin, cov kev tso pa muaj kuab lom mus rau saum ntuj ncaj qha hauv feem ua hauj lwm lag luam ub xam hab kas yog 18.2 feem pua, hauv xyoo 2018. Sib koom ua ke tag nrho ob qho tib si tawm kev hlawv cov roj av ntawm chaw kiag, thiab kev tsim lub zog sab nraud uas tsis ncaj qha kom siv tau hluav taws xob rau hauv lub tuam tsev, cov kev tso pa muaj kuab lom mus rau saum ntuj ntawm lub tsev greenhouse no muaj feem cuam tshuam rau cov kev cuam tshuam ntawm kev tso cov pa muaj kuab lom mus rau saum ntuj tseem ceeb no.

Cov Qauv Ntaus Tswv Yim Uas Muaj Qhov Pab Tau Ntau

CEP txheeb xyuas tau peb cov qauv ntaus tswv yim uas muaj qhov pab tau ntau los pib txo cov kev tso pa muaj kuab lom mus rau saum ntuj hauv cov tuam tsev thiab kev lag luam ub xam hab kas. Cov qauv ntaus tswv yim no yuav txhawb nqa cov qauv cai thiab cov hom phiaj thiab yuav txo qis cov kev tso pa muaj kuab lom mus rau saum ntuj ncaj qha hauv cov tuam tsev. Cov qauv ntaus tswv yim no kuj suav nrog kev siv tus qauv cai ua pa sov uas tuaj yeem coj rov los siv tau dua no, kev siv hluav taws xob rau lub tuam tsev sai, thiab ua tus thawj coj hauv lub xeev hauv cov zauv rau tuam tsev ntawm kev siv lub zog.

Daim Ntawv Ntsiab Lus Suav Sau Cov Qauv Ntaus Tswv Yim Txog Kev Nqis Tes Ua Kiang Tam Sim No

CEP txheeb xyuas tau yim cov qauv ntaus tswv yim txog kev nqis tes ua kiag tam sim ntawd los ua kom cov tuam tsev thiab kev lag luam ub xam hab kas tshiab tuaj. Cov qauv ntaus tswv yim saib mus rau Wisconsin cov peev txheej thiab thev naus laus zis, suav nrog cov khoom siv rau kev tsim ua vaj tsev ntawm lub tuam tsev uas muaj cov pa carbon qis, cov ntoo, thiab kev ua kom kub thiab kom txias uas muab rov los siv tau dua hauv kev lag luam ub xam hab kas thiab feem ua hauj lwm tuam tsev. Kev lees paub txog kev cuam tshuam hauv Wisconsin feem hauj lwm kev lag luam ub xam hab kas uas muaj nyob hauv kev siv lub zog thiab cov kev tso pa muaj kuab lom mus rau saum ntuj, CEP muaj cov qauv ntaus tswv yim los tshawb nrhiav kev txuag lub zog uas muaj txiaj ntsig siab thiab paub txog cov kev lag luam ua hauj lwm mus rau cov kev txo qis cov pa carbon thiab qhia txog qhov tseem ceeb uas cuam tshuam rau lub zej zog.



LUB TSWV YIM TSHIAB TXOG KEV THAUJ MUS LOS

Ke v tso pa uas muaj kuab lom tawm mus rau saum ntuj suav yog muaj kev sib koom ntawm cov kev tso pa muaj kuab lom mus rau saum ntuj ntawm lub tsev greenhouse loj tshaj plaws thib ob hauv Wisconsin ntawm 39.9 feem pua, hauv xyoo 2018. Cov kev tso pa muaj kuab lom mus rau saum ntuj los ntawm feem ua hauj lwm kev thauj mus los yog kev tso tawm ncaj qha los ntawm kev hlawv cov roj av uas muab siv los tsav cov tsheb. Cov tsheb ntiag tug, cov tsheb npav, cov tsheb thauj khoom, cov tsheb khiav rau kev av nkos, cov dav hlau khiav rau kev lag luam, cov nkoj, thiab tsheb ciav hlau tag nrho no tau koom rau kev tso pa muaj kuab lom mus rau saum ntuj ntawm kev siv kawg nkaus ntawm kev thauj mus los. Cov qauv ntaus tswv yim uas zam tau los sis txo qis tau peb li kev ywj pheej ntawm kev siv roj av yog qhov tseem ceeb rau kev tsim lub lab npauv kev thauj mus los uas huv, thiab thev taus thiab hais daws ncaj qha txog kev hloov pauv ntawm huab cua hauv Xeev Wisconsin.

[Cov Qauv Ntaus Tswv Yim Uas Muaj Qhov Pab Tau Ntau](#)

CEP txheeb xyuas tau peb cov qauv ntaus tswv yim los pib txo qis cov kev tso pa muaj kuab lom mus rau saum ntuj hauv kev thauj mus los. Cov qauv ntaus tswv yim no los txo qis cov pa carbon uas feem hauj lwm kev thauj mus los tsom rau kev txo qis cov pa carbon ntawm cov roj uas ua kom cov tsheb khiav tau, kev txhim kho kev siv tau zoo thiab kev siv cov tsheb, thiab kev tsom rau kev ua hauj lwm ntawm lub tsheb uas tsis muaj kev tso cov pa muaj kuab lom tawm mus rau saum ntuj hauv lub xeev.

[Daim Ntawv Ntsiab Lus Suav Sau Cov Qauv Ntaus Tswv Yim Txog Kev Nqis Tes Ua Kiang Tam Sim No](#)

CEP txheeb xyuas tau tsib cov qauv ntaus tswv yim ntawm kev nqis tes ua kiag tam sim ntawd rau xeev Wisconsin kom yog lub tswv yim tshiab thiab txhawb rau cov kev txo qis cov kev tso pa muaj kuab lom mus rau saum ntuj kom sai hauv feem ua hauj lwm thauj mus los. Cov qauv ntaus tswv

yim suav muaj kev tshawb nrhiav cov kev muab siab sib zog los tawm ib tug qauv cai txog kev siv roj av uas muaj cov pa carbon qis; npaj rau thiab siv cov tsheb siv hluav taws xob thiab lub hauv paus ntawm txoj kev txhim kho; ua kom paub tseeb tias lub hauv paus ntawm txoj kev txhim kho kev tshoj hluav taws xob ntawm muaj thoob plaws rau txhua hom ntawm cov tsheb thiab mus ncav cuag rau cov zej zog uas muaj ntau haiv neeg nyob, nyob deb nroog, khwv tau nyiaj tsawg; nthuav dav cov kev xaiv rau cov neeg kom txav tau mus los rau cov zej zog hauv cov hauv kev uas txhawb nqa rau cov kev txo qis cov kev tso pa muaj kuab lom mus rau saum ntuj; thiab ntxiv cov hwv tsam rau kev txhim kho kev khwv noj khwv haus uas cuam tshuam nrog kev thauj mus los.

TXHEEJ TXHEEM KEV UA HAUJ LWM RAU KEV NPAJ RAU KEV SIV LUB ZOG HLUAV TAW S XOB HUV YAM T SIS TU NCUA



Wisconsin qhov CEP yog ib qho ntawm ntau cov kauj ruam tseem ceeb mus rau kev ua kom tau raws li lub xeev cov hom phiaj kev siv lub zog hluav taws xob uas tsis muaj pa carbon thiab cov hom phiaj huab cua thiab tseem nyob rau hauv peb qhov peev nyiaj saib xyuas cov pa carbon. Kev ua cov qauv ntaus tswv yim tsim muaj thawj ntu ntawm yam uas yuav yog kev teev tseg txog kev ua neej thiab ua rau kom muaj kev npaj thiab kev nqis tes ua txog kev siv lub zog hluav taws xob huv uas muaj vaj huam sib luag, muaj feem xyuam nrog, thiab muaj qhov pab tau ntau. Qhov txheej txheem ua hauj lwm rau kev txav mus rau CEP thiab nws li kev nqis tes ua mus rau tom ntej tau muab sib koom los ntawm peb cov feem tseem ceeb uas suav muaj, 1) kev sib koom tes ntawm tus neeg koom tes yam tsis tu ncu a, 2) kev ntsuas thiab kev kuaj xyuas txog cov qauv ntaus tswv yim, thiab 3) Muab Kev Tshaj Tawm Hauv Ib Xyoos Puag Ncig los tshaj tawm los muab kev sau cov ntaub ntawv yam tsis tu ncu a, kev tsom xam, thiab kev ntsuam xyuas uas raug thiab muaj feem cuam tshuam rau kev nkag siab ntawm Wisconsin li kev hloov tsiaj thiab nroj tsuag ntawm kev siv lub zog hluav taws xob huv thiab CEP kev nce qib txog kev nqis tes ua. Hauv qab no yog Ncu a Sij Hawm Kev Npaj Rau Ib Lub Xyoo uas ua hauj lwm tam li yog tus qauv rau kev npaj hauv ib xyoos puag ncig.

“Txoj hauj lwm no yuav tsum ua txuas ntxiv mus hauv txhua hli thiab txhua xyoo lawm yav tom ntej txhawm rau los tsim lub neej yav pem suab uas peb xav tau rau peb lub xeev. Yog muaj koj li kev pab, peb yuav ua kom lub xeev no—thiab lub ntiaj teb no—yog ib qhov chaw uas txhua leej loj hlob hauv kev nyab xeeb, huv si, thiab yog cov zej zog uas muaj kev vam meej.”

Tus Thawj Hau Tswj Kav Xeev Tony Evers

Tuaj yeem nrhiav pom daim Phiaj Xwm Hluav Taws Xob Huv hauv Wisconsin Lub Chaw Hauj Lwm Saib Xyuas Hluav Taws Xob Ruaj Khov thiab Huv (Sustainability & Clean Energy) Lub Vev Xaib: <https://osce.wi.gov/pages/cleanenergyplan.aspx>